

欽定詩經傳說彙纂卷第十四

北山之什二之六

陟彼北山言采其杞偕偕士子

叶獎里反

朝夕從事

叶上止反

王事靡盬憂我父母

叶滿彼反

集傳

賦也偕偕強壯貌士子詩人自謂也

毛氏萇曰士子有王事者

也。○大夫行役而作此詩自言陟北山而采杞以食者

皆強壯之人而朝夕從事者也

鄭氏康成曰言不得休止

蓋以王事

不可以不勤是以貽我父母之憂耳

謝氏枋得曰言王事不可以不堅固

也。子以王事爲憂。父母以子之勤勞爲憂。

集說

輔氏廣曰。此詩行役之大夫所作。以言上之役使

不均也。然首章則自言其年壯力強。故朝夕從事於此。又言其所以如此者。蓋以王事不可不勤。故不免遺父母之憂耳。未及乎上之不均也。士子雖作詩者。自言。然行役者非一人。蓋兼舉之矣。○劉氏瑾曰。此章可見詩人忠孝之心也。

○溥

音普

天之下

叶後五反

莫非王土。率土之濱。莫非王

臣。大夫不均。我從事獨賢。

叶下珍反

集傳

賦也。溥。大率。循濱。涯也。

孔氏穎達曰。詩意言民之

濱。爲言者。濱是四畔近水之處。言率土之濱。舉其四方所至之內。見其廣也。

○言土之廣。臣

之衆而王不均平使我從事獨勞也。

毛氏萇曰賢勞也。○呂氏祖謙曰孔

叢子曰我從事獨

賢勞事獨多也。不斥王而曰大夫。

朱氏公遷曰大夫行役而怨大夫不

均蓋天子之大夫非一人

也。此則指夫執政者而言。不言獨勞而曰獨賢詩人之

忠厚如此。

集說

孔氏穎達曰作者言其有人衆而不使卽以廣大

明其衆也。○以此大夫怨已勞於事故以賢爲勞從事

獨賢猶下云嘉我未老鮮我方將問辭也。○謝氏枋得

曰自古君子小人立已不同其事君亦異君子常任其

勞小人常處其逸君子常任其憂小人常享其樂雖曰

役使不均我獨賢勞然君

子本心亦不願逸樂也。

○四牡彭彭。

叶鋪郎反

王事傍傍。

布彭反叶布光反

嘉我未老。

鮮息淺反

我方將。旅力方剛。經營四方。

集傳

賦也。彭彭然。不得息也。傍傍然。不得已也。嘉善鮮。

少也。以爲少而難得也。將壯也。旅與脅同。

許氏慎曰。脅春骨也。○呂

氏祖謙曰。李氏曰。毛氏以旅爲衆。案桑柔曰。靡有旅力。

秦誓曰。旅力旣愆。若桑柔之詩。謂衆力方盛。猶可也。如

秦誓及此詩。但指作詩者。

及良士耳。不得解爲衆也。○言王之所以使我者。善我

之未老而方壯。

錢氏天錫曰。未老方將。正獨賢處也。

旅力可以經營四万

耳。

謝氏枋得曰。經。經畫營。營造。如人作室。曰經之營之。言區畫造作四方之事也。

猶上章之言

獨賢也。

集說

輔氏廣曰。此章又承上句獨賢之意。而言王之所
以使。我者得無善我之未老而方壯。其膂力足以
經營四方乎。此意尤忠厚。

而有盡力盡瘁之誠也。

○或燕燕居息。或盡瘁事國。

叶越逼反

或息偃在牀。

或不已于行。

叶戶郎反

集傳

賦也。燕燕安息貌。

輔氏廣曰。燕安也。重言之。見安之甚也。

瘁病。嚴氏榮曰。

盡瘁。見四月事。

已止也。○言役使之不均也。下章放此

國從事於國也。
劉氏瑾曰。以下三章。凡十二句。爲偶。皆以他人之逸樂。對已之憂勞。所以形容不均之意。

集說

劉氏彝曰。以彼為賢耶。則國事待我而集。以我為賢耶。則厚祿居彼為多。○輔氏廣曰。此章而下。則方言其不均之實。然亦不過以其勞逸者對言之。使上之人自察耳。但言之重。辭之複。則其望於上者。亦切矣。詩可以怨。謂此類也。

○或不知叫號。戶刀反或慘慘。七感反劬勞。或栖遲。

偃仰。或王事鞅掌。於兩反

集傳賦也不知叫號。深居安逸。不聞人聲也。鞅掌。失容

也。孔氏穎達曰。傳以鞅掌為煩勞之狀。故云言事煩勞。失容。今俗語以職煩為鞅掌。其言出於此。

不暇為儀容也。

集說

李氏公凱曰。大夫或有深居於內。而不知外之叫號者。或有慘慘然憂戚。而憚其劬勞難堪者。或有安息無事。而偃仰自得者。或有勞於王事。而執掌失容者。其役使不均如此。

○或湛

都南反

樂飲酒。或慘慘畏咎。

巨九反

或出入風

音議

叶魚羈反

或靡事不為。

集傳

賦也。咎。猶罪過也。出入風議。

孔氏穎達曰。謂閒暇無事。出入放恣。議量

時政者。○嚴氏粲曰。曹氏曰。風議則任口舌而已。

言親信而從容也。

集說

姚氏舜牧曰。湛。樂飲酒。何等逸豫。慘慘畏咎。猶恐其或及之。出入風議。何等從容。靡事不為。維日其

猶不給。所謂不均也。

總論

李氏樗曰。孔子曰。公則說。人主苟有均平之心。則雖征役之重。不以爲怨。若有不均之心。則雖征役未甚勞苦。而人亦將怨矣。觀大東之詩。有粲粲衣服者。有葛屨履霜者。北山之詩。有息偃在牀者。有不已于行。者。則無一得其平矣。天下安得而說服哉。○朱氏善曰。臣之於君。不擇事而安之。所以爲忠也。而不免於怨。何也。蓋怨生於彼此之相形者也。均之爲臣子也。彼以其逸。我以其勞。彼若是其相親。我若是其相遠。果能自己於言邪。然則臣子之事君。雖不可不竭其力。而君之使臣。要必有道矣。爲人上者。其亦均平其心。而無使其彼此之相形乎。

北山六章三章章六句三章章四句

集說

鄧氏元錫曰。北山刺不均也。秉均者不均。膳仕者衆。而賢者獨勞瘁。畏讒譏焉。蓋四牡皇

華之意。索其盡矣。故雅之盛也。上平其政。載恤其私。故士盡瘁而忘其勞。雅之變也。上不平其政。不恤其私。故士盡瘁而哀其病也。

無將大車。祇

音支

自塵兮。無思百憂。祇自疢。

劉氏曰當

作痕與瘡同。眉貧反。

兮。

集傳

興也。將扶進也。

孔氏穎達曰。言將猶扶進者。以大車須人傍而將之。是爲扶車而進。

導也。

大車平地任載之車。駕牛者也。祇適疢病也。○此亦

行役勞苦而憂思者之作。言將大車則塵汚之。思百憂

則病及之矣。

朱氏公遷曰。此皆事之可戒者。故因行役所見而用語相呼爲興。

集說

輔氏廣曰。夫行役者。進而有王事之期程。惟恐其有不及之悔。退而有家事之多端。惟恐其有意外之虞。所可憂者。固不一而足也。故曰百憂。戒之以無思者。言姑置之。勿以爲念可也。不然。適所以自病而已矣。○黃氏一正曰。大車必駕牛而後可行。若徒自將之。則祇取塵汚而已。何得於道哉。百憂必得遂而後可止。若徒自思之。則祇致身病而已。何益於事哉。

○無將大車。維塵冥冥。無思百憂。不出于

頽。古迴反。

集說

興也。冥冥。昏晦也。

鄭氏康成曰。冥冥者。蔽人目明。令無所見也。

頽。與耿

同。小明也。在憂中耿耿然不能出也。

輔氏廣曰。人心憂則拘而定。故在憂

中耿耿然不能逸而出也。

集說

嚴氏粲曰。塵冥冥。則爲塵所昏。可憂多端。不必更思之。終不能自明矣。○徐氏光啓曰。言百憂不可思。正其憂之深也。煩訓小明。凡人有一事關心。則此心全向此一處芥蒂。只見有此事也。

○無將大車。維塵雖於勇於容二反今。無思百憂。祇自

重

直勇直龍二反

今。

集傳

興也。雖猶蔽也。重猶累也。

集說

王氏安石曰。凡物之行。不爲物所累。則輕而速。爲物所累。則重而遲。○鄒氏泉曰。自重者。自累其心。

鬱鬱然而不得伸舒也。

總論

姚氏舜牧曰。將大車者。有任重意。凡人一身。百責萃焉。百憂聚焉。行役者。身勞王事。將百責委之於家。全在上之人。體恤其情。使無內顧之憂耳。上不加恤。奈何使彼無怨心哉。無思云者。正言其思之不能置也。易曰。說以先民。民忘其勞。忘則何事於思。而至於疲且重哉。

無將大車三章章四句

集說

黃氏震曰。戴云。詩意未嘗及小人。非悔將小人也。世既亂矣。力微而挽重。無益於事。與無田甫田之意同。朱云。此亦行役勞苦而憂思者。愚案。序言悔將小人。本不成文。況詩亦初無悔用小人之意。合以上二說詳之。

明明上天。照臨下土。我征徂西。至于朐野。音求

與反

二月初吉。載離寒暑。心之憂矣。其毒大音泰苦。

念彼共

音恭下章竝同

人涕零如雨。豈不懷歸。畏此罪

罟

音古

集傳

賦也。征行徂往也。亢野地名。蓋遠荒之地也。二月

亦以夏正數之。建卯月也。初吉朔日也。

孔氏穎達曰。以言初而又吉。故

知朔日也。君子舉事尚早。故以朔

毒言心中如有藥毒

為吉。周禮正月之吉亦朔日也。

毒言心中如有藥毒

也。

輔氏廣曰。言其涉行之遠。歷時之久。故其心之憂。如中藥之毒而甚苦也。

共人僚友之處

者也。懷思罟網也。○大夫以二月西征。至於歲莫而未

得歸。故呼天而訴之。復念其僚友之處者。且自言其畏罪而不敢歸也。

集說

輔氏廣曰。共人。卽靖共爾位之僚友也。僚友不一而足。有出者。有處者。宜也。已之征役。固勞苦矣。然以其所謂罪罟。譴怒。蹙急。反覆者觀之。則僚友之處者。亦豈有樂事哉。此所以思之而涕零如雨。又自言我亦豈不懷歸。而相與共事哉。正以畏不測之罪。而不敢歸爾。罪罟。言其以罪而加人。如網罟之取物。而物有不及知者也。不言思其室家而欲歸。乃言思其僚友者。善爲辭也。

○昔我往矣。日月方除。

直慮反

曷云其還。歲聿云

莫。

音慕

念我獨兮。我事孔庶。心之憂矣。憚

丁佐反

我

不暇

叶胡故反

念彼共人。晔晔

音

懷顧。豈不懷歸。畏

此譴怒。

集傳

賦也。除。除舊生新也。謂二月初吉也。庶。衆。憚。勞也。

晔晔。勤厚之意。譴怒。罪責也。○言昔以是時往。今未知

何時可還。而歲已莫矣。蓋身獨而事衆。是以勤勞而不

暇也。

集說

李氏樗曰。念我獨兮。亦猶我從事獨賢也。我事孔

庶。亦猶或靡事不爲也。心之憂矣。勞我不復有暇也。念彼昔者之友。晔晔然懷顧之。非不懷歸。畏取怒於當時也。○謝氏枋得曰。念彼共人。所謂靖共爾位。敬共

朝夕者。此君子人也。與詩人志同道合者也。詩人勤勞於外。又念斯人。雖以恭敬自持。然上無愛惜善類者。不知果能免於禍否。所以念之深。愛之至。既涕零如雨。又睠睠懷顧也。

○昔我往矣。日月方奧。

於六反

曷云其還。政事愈

蹙。

子六反

歲聿云莫。采蕭穫菽。心之憂矣。自詒伊

戚。

叶子六反

念彼共人。興言出宿。豈不懷歸。畏此反

覆。

芳福反

集傳

賦也。奧。煖。

孔氏穎達曰。煖。即春溫。亦謂二月也。

蹙。急。詒。遺。戚。憂。興。起。

也。反覆。傾側。無常之意也。○言以政事愈急。是以此